

Royal Greenland suleqatigalugu saarullinnik uumatitsivinnik amerlanerusunik pilersitsisoqarnissaanik pilersaarusiortoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

Akissuteqaat

(Aalisarnermut Piniarnermullu Naalakkersuisoq)

Aappassaaneerpeqarnera

Royal Greenland suleqatigalugu saarullinnik uumatitsivinnik amerlanerusunik pilersitsisoqarnissaanik pilersaarusiortoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuummut *Inatsisartut Aalisarnermut, Piniarnermut Nunalerinermullu Ataatsimiititaliaata isumaliutissiissutaanut* suliarilluagaasumut Naalakkersuinullu allannguutissatut siunnersuuteqaqqusillutik inassuteqaataanut Naalakkersuisut qujapput: *Saarullinnut uumatitsiviit atornerinut tunngavissat iluarsiiiffigineqarnerata nalunaarutinut attuumassuteqartunut ilannguteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut* akuerineqassasoq.

Kalaallit Nunaanni aalisakkanit pisuussutitta atorluarnissaat siunertaralugu siuarsaasoqarnissaanik Inatsisartuni ilaasortaq Siverth K. Heilmann, Atassut Naalakkersuisunittaaq qujassuteqarfigeqqikkusupparput.

Naleqarnerulersitsinissap ineriartortitsisoqarnissallu pingaaruteqassusaanik ataatsimiititaliap oqariartuutaa Naalakkersuisunit isumaqatigaarput. Nunatsinni saarulliit aasaanerani pisarineqartartut pitsaassusaat pitsanngortinniarlugit uumatitsivinnik atueriaatsinik aalisakkanillu uumasunik assartueriaatsinik Royal Greenland A/S ukiorpaalunni ineriartortitsisimavoq. Taamaammatt aalisakkerisut allat taamaattunik atuinialersaarnerat Naalakkersuisunit tapersorsorparput. Taamaasiornikkummi ineriartortitsisarnerup imminut akilersinnaassusaa takutissinnaagatsigu - aammalu aalisagaativut piuumassuseqarutaa naleqarnerulersissinnaagivut.

Aalisarnermi periutsit nutaat atorneqalersussaattillugit inatsisitigut tunngavissaqarnissaq aamma pingaaruteqarpoq. Aalisarneq aqutigalugu pisuussutitta ineriartortinneqarlutillu naleqaleriartortuarnissaanut pitsaasumik atugassaqartitsinissaq politikeritut suliasaraarput. Taamaammatt Naalakkersuisut allannguutissatut siunnersuutaata Aalisarnermut, Piniarnermut Nunalerinermullu Ataatsimiititaliamit taperserpeqarnera nuannaarutigaa.

Allannguutissatut siunnersuut Inatsisartunit akuerineqassappat, Naalakkersuisoqarfimmiit Aalisarnermut Siunnersuisoqatigiit peqatigalugit nalunaarutinik pisariaqartinneqartunik naleqqussaanissat sulissutigineqassaaq. Sinaakkutissammi aqutigalugit aalisartut tunisassiortullu pitsaasumik atugaqartinneqarnissaat pingaaruteqarmat.

Nalunaarutit assigiinnigitsut Aalisarnermut Piniarnermullu Naalakkersuisoqarfimmiit naleqqussarneqaleruttorput, taamaattumik siunnersuut akuerineqassappat nalunaarutinik naleqqussaanerit aallartikkasuarneqarsinnaassapput. Suliassat 2024-mi naammassillugit

suliarineqareersimanissaat naatsorsuutigineqarpoq. Tamatuma malitsigisaanik allannguutit 2025-imi aalisarneq aallartitsinnagu atuutsilersinneqarsinnaassapput.

Taamatut oqaaseqarlunga allannguutissatut siunnersuutip akuerineqarnissaa Naalakkersuisut sinnerlugit inassutigaaara.